



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 12. Paulus IV. morbo correptus, ac hydropisi laborans.

[urn:nbn:de:hbz:466:1-66800](#)

Hoc timore permoti Flandriæ Pro-Sæcul.XVI.
ceres huic malo, priusquam altiores ra- A.C. 159.
dices ageret, obviaturi arcto fœdere
se conjungebant, præprimis decer-
nentes, quod nisi Hispani milites e Bel-
gio excederent, haud ultra tributum
pendere velint: postea novæ sectæ er-
roribus favere cœperant, unde omnes,
iique gravissimi, quibus Belgium exa-
gitabatur, tumultus oriebantur, pro-
ut in Historiæ nostræ progressu recense-
bimus.

§. XII.

*Paulus IV. morbo correptus ac hydro-
pisi laborans.*

Attamen tot anxiæ curæ, fastidia, ac tumultus summum Pontificem, ali-
unde octoginta quatuor ferme annorum
senem adeo deprimebant, ut citato gref-
su ad sepulcrum contendere videretur:
nam præprimis hydropsi laborare cæ-
perat, quo morbo paulo post magis,
magisque invalescente, cum de salute
eius penitus conclamatum esset, extre-
num vitæ suæ diem propius instare co-
gnoverat: quapropter die decima quar-
ta Augusti Cardinales ad suum cubile
accersiri jubens, morituris licet, ac hi-
ulcis vocibus, admirabili tamen elo-
quentia, & sana adhuc mente illos ita
alloquebatur: „Diutius vixi, quam spe-

*Thuan. l. 23.
Onuphr. l.c.*

S 4

„rare

Sæcul. XVI.
A.C. 1559

„rare potuisse : a vobis autem peto,
„ut , si fors negligentior in Senatu co-
„gendo fui , quam ratio officii postulare
„videbatur , id ætati , & adversæ vale-
„tudini condonare velitis : deinde vos
„hortor , ut in optimo Successore , qui
„Ecclesiæ incrementa procurare stu-
„det , vota vestra conjungatis : postremo
„ut sanctissimum inquisitionis tribunal
„quo uno sacræ Sedis auctoritas , fides
„que firmatur , commendatum habeat
„tis , enixe rogo. „

Ita dimissis Cardinalibus , cum Bar-
tholomæus Cueva Cardinalis natione
Hispanus , qui solus remanserat , jactu-
ram Reipublicæ Christianæ , si tali Pa-
ftore hoc tempore orbaretur , se dolere
diceret , Pontifex Hispanica lingua re-
spondit : „ Ego ita vitæ cursum institui ,
„ut quoties ex hac mortali vita abeun-
„dum esset , Deum vocantem æquo , ac
„propenso animo sequi paratus forem:
„insuper fiducia me solatur , quod fir-
„mum catholicæ fidei defensorem (in-
„nuebat Philippum) a Deo optimo da-
„tum relinquam ; de cuius consiliis in
„Religionis negotio ante cognovi , eoque
„vindice rempublicam christianam quan-
„tumvis afflictam recreari , & in pristinum
„statum restitui posse minime dubito. „

§. XIII.